



Մ Ա Յ Ր Ա Թ Ո Ռ Ո Ւ Մ

ՀՈՒՆԻՍԻ 1-ին, ԵՐԵՎԱՆԻ, Հոգևոր Ճեմարանի հանդիսությանը դաշխճում, կատարվեց բացումը Հոգևոր Ճեմարանի 1958—1959 ուսումնական տարվա ամսվերջի քննությունների: Հանդիսության ներկա էին վերատեսուչ սրբազանը, փոխ-տեսուչ հայր սուրբը, բոլոր ուսուցիչներն ու ուսանողները: Օրհնելով ուսանողներին, վերատեսուչ սրբազանը քննությունների մեջ հաջողություն մաղթեց բոլորին:

Ժամը 10-ին սկսվեցին գրավոր և բանավոր քննությունները:



ՀՈՒՆԻՍԻ 6-ին, ԵՐԱԿԱՅ, Մայր Աթոռ Վերադարձավ լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը, որն արձակուրդով գտնվում էր Մոսկվայում: Հանգստանալով մեկտեղ սրբազանը երկու անգամ պատարագեց և քարոզեց Մոսկվայի հայկական եկեղեցում: Վերադարձին սրբազանը այցելեց նաև Ռոստովի հայկական եկեղեցիներն ու Ս. Խաչ վանքը:



ՀՈՒՆԻՍԻ 6-ին, ԵՐԱԿԱՅ, երեկոյան ժամը 4-ին, Վեհարանում տեղի ունեցավ ճաշկերույթ, որտեղ ներկա էին Վեհափառ Հայրապետը, Գերագույն Հոգևոր Խորհրդի և Վերստուգիչ հանձնաժողովի անդամները, Մայր Աթոռի ամբողջ միաբանությունը և վանքի պաշտոնեական ղեկավար անդամները:

Ճաշկերույթը կազմակերպել էր Գերագույն Հոգևոր Խորհուրդը ի պատիվ Վեհափառ Հայրապետի, որ հունիսի 4-ին վերադարձել էր Մոսկվայում կայացած խաղաղության կոնֆերանսից:



ՀՈՒՆԻՍԻ 7-ին, ԿԻՐԱԿԻ, Մայր Տաճարում, իշման Ս. Սեղանի առաջ պատարագեց և քարոզեց հոգեշնորհ Տ. Մեսրոպ վարդապետ

Անթարյանը: Քարոզի նյութն էր էջմիածնի դերն ու նշանակությունը հայ ժողովրդի կյանքում: Պատարագին ներկա էին ամերիկահայ մի խումբ տուրիստներ:

Պատարագից հետո ամերիկահայ տուրիստներին Վեհարանում ընդունեց Վեհափառ Հայրապետը: Ընդունելությունը տևեց մոտ մեկուկես ժամ և անցավ սրտագին ջերմ մթնոլորտում: Վերջում Վեհափառ Հայրապետը օրհնեց և բարի ճանապարհ մաղթեց բոլորին:



ՀՈՒՆԻՍԻ 7-ին, ԿԻՐԱԿԻ, Լենինականի Ս. Աստվածածին եկեղեցում պատարագեց և քահանայական ձեռնադրություն կատարեց գերաշնորհ Տ. Հայկազուն եպիսկոպոս Արաբաբյանը: Քահանա ձեռնադրվեց Հարություն սարկավազ Գյուլջանը՝ վերանվանվելով Տ. Հայկազուն: Նորած Տ. Հայկազուն քահանան, որն իր քառասունքը անց է կացնում Մայր Աթոռում, երիտասարդ և պարտաճանաչ հոգևորական է:



ՀՈՒՆԻՍԻ 9-ին, ԵՐԵՎԱՆԻ, առավոտյան ժամը 12-ին, Վեհափառ Հայրապետը, ընկերակցությամբ գերաշնորհ Տ. Հայկազուն եպիսկոպոս Արաբաբյանի և հոգեշնորհ Տ. Նղիշե վարդապետ Սարգսյանի, այցելեց հունիսի 7-ին Երևանի Պետական պատկերասրահում բացված քանդակագործ Հակոբ Գյուլջանի ցուցահանդեսը և դիտեց քանդակագործի մոտ 500 աշխատանքները:

Նույն օրը Երևանում Վեհափառ Հայրապետը այցելեց նաև Նկարիչ Գրիգոր Խանջյանի ցուցահանդեսը, ուր ցուցադրված էին հեղինակի տարբեր ժանրերի 80 գործերը:



ՀՈՒՆԻՍԻ 13-ին, ԵՐԱԿԱՅ, ռեդիո նշխարաց սրբոյն Գրիգորի Լուսավորչին մերոյն, Օրվա տոնի առթիվ պատարագեց հոգեշնորհ Տ. Նղիշե վարդապետ Սարգսյանը:



ՀՈՒՆԻՍԻ 14-ին, ԿԻՐԱԿԻ, Մայր Տաճարում պատարագեց հոգեշնորհ Տ. Նղիշե վարդապետ Սարգսյանը և քարոզեց, բնաբան ունենալով «Ի վերայ Աշոց և Ս. էջմիածնի ամենայն ազգն Հայոց կապեալ կան»: Պատարագին ներկա էին ամերիկահայ և սիրիահայ տուրիստներ: Պատարագի վերջում Վեհափառ Հայրապետի նախագահությամբ կատարվեց հոգեհանգիստ սիրիահայ տուրիստների հանգուցյալների համար: Սուրբ պատարագից հետո տուրիստները եղան Վեհափառ Հայրապետի մոտ, արժանանալով նորին Վեհափառության օրհնության:



ՀՈՒՆԻՍԻ 15-ին, ԵՐԿՈՒՇԱՐԹԻ, Մայր Աթոռ ժամանեց Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը, որը մոտ վեց ամիս հովվական այցելությամբ գտնվում էր Ռումինիայում և Բուլղարիայում: Նույն օրը Վեհափառ Հայրապետը ընդունեց սրբազանին և լսեց նրա զեկուցումը հովվական առաքելության մասին:



ՀՈՒՆԻՍԻ 16-ին, ԵՐԵՎԱՆԻ, Մայր Աթոռ ժամանեցին Ադրբեջանի առաջնորդ հոգեշնորհ Տ. Տիրայր վարդապետ Մարտիրոսյանը և Շիրակի թեմի առաջնորդ հոգեշնորհ Տ. Հայրիկ վարդապետ Ավետիսյանը թեմական գործերով և ներկա լինելու Հոգևոր Ճեմարանի ամսվերջի հանդեսին:



ՀՈՒՆԻՍԻ 17-ին, ԶՈՐԻՔՇԱՐԹԻ, Վեհափառ Հայրապետը բարեհաճեց ընդունել թեմակալ առաջնորդներին Վեհարանում:



ՀՈՒՆԻՍԻ 18-ին, ՀԻՆԳՇԱՐԹԻ, տոն «Սրբոց Թարգմանչացն մերոց Սահակայ և Մեսրոպայ»: Այսօր սուրբ պատարագ մատուցվեց Օշականի Ս. Մեսրոպ եկեղեցում: Օշականի մեծ Սուրբի գերեզմանին ուխտի էին գնացել ամբողջ միաբանությունը, թեմակալ առաջնորդները և Հոգևոր Ճեմարանի ուսանողությունը: Օրվա ազգային մեծ տոնի առթիվ

պատարագեց և քարոզեց հոգեշնորհ Տ. Մեսրոպ վարդապետ Անթաբյանը: Հավարտ սուրբ պատարագի կատարվեց հոգեհանգիստ իշխան Վահան Ամատունու շիրիմի վրա:



ՀՈՒՆԻՍԻ 19-ին, ՈՒՐԱԿԻ, Երեկոյան ժամը 8-ին, Վեհափառ Հայրապետի նախագահությամբ, Վեհարանում տեղի ունեցավ թեմակալ առաջնորդների խորհրդակցություն, որին ներկա էին նաև Մայր Աթոռի ավագ միաբաններ:



ՀՈՒՆԻՍԻ 21-ին, ԿԻՐԱԿԻ, «Գիւտ տփոյ Սրբունայ Աստուածածնի»: Մայր Տաճարում, Իջման Ս. Սեղանի վրա պատարագեց Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը և քարոզեց հետևյալ բնաբանով. «Թէ մոռացայց զքեզ, Երուսաղէմ, մոռացի զիս աջ իմ: Կցեսցի լեզու իմ ի քիմս իմ, թէ ոչ յիշեցից զքեզ, թէ ոչ նախ նուագեցից զքեզ, Երուսաղէմ, սկիզբն ուրախութեան իմոյ»: (Սաղմ. ԺԼԶ):

Սուրբ պատարագին ներկա էր Վեհափառ Հայրապետը:

Երեկոյան ժամը 8-ին, Վեհափառ Հայրապետի նախագահությամբ, Վեհարանում գումարվեց միաբանական ժողով, որին մասնակցում էին նաև Մայր Աթոռի սարկավագները:



ՀՈՒՆԻՍԻ 22-ին, ԵՐԵՎԱՆԻ, Հոգևոր Ճեմարանի ամբողջ ուսանողությունը, զխավորությամբ վերատեսուչ Գերաշնորհ Տ. Հայկազուն եպիսկոպոսի և փոխ-տեսուչ հոգեշնորհ Տ. Մեսրոպ վարդապետի, հինգ օրով մեկնեցին Հաղարծնի վանքը ուխտի և հանգրստանալու: Հունիսի 26-ին, կազդուրված և առողջ, ուսանողները վերադարձան Մայր Աթոռ, լավագույն տպավորություններով:



ՀՈՒՆԻՍԻ 25-ին, ՀԻՆԳՇԱՐԹԻ, Հալեպից Մայր Աթոռ ժամանեց Ս. էջմիածնի միաբան բարեշնորհ վարդապետ սարկավագ Շամլյանը, որն արձակուրդով 1958 թվականի դեկտեմբերի 21-ին մեկնել էր տուն՝ Հալեպ, իր ծնողների մոտ:

ՀՈՒՆԻՍԻ 28-ին, ԿԻՐԱԿԻ, Մայր Տաճարում պատարագեց հոգեշնորհ Տ. Հուսիկ արեղա Սանթրոյանը և քարոզեց գերաշնորհ Տ. Հայկազուն եպիսկոպոս Տ. Աբրահամյանը՝ «ես եմ հացն կենաց» բնաբանով: Սրբազանը խոսեց նյութական և հոգեոր հացի օգտակարության և անհրաժեշտության մասին և շեշտեց մանավանդ «կենաց հաց»-ի անհրաժեշտությունը հավատացյալի հոգեոր կյանքի աճման գործում:

Սուրբ պատարագին ներկա էին մի խումբ ուխտավորներ Ամերիկայից և Պարսկաստանից:

Սուրբ պատարագին ներկա էր Վեհափառ Հայրապետը, որը վեհարանում ընդունեց ուխտավորներին, զրույց ունեցավ նրանց հետ, ապա օրհնեց բոլորին և հորդորեց միշտ սիրել Մայր Հայրենիքը ու կապված մնալ Մայր Աթոռ Ս. Էջմիածնի հետ:

ՀՈՒՆԻՍԻ 20-ին, ԵՐԿՈՒՇԱՐԹԻ, փակվեց Հոգևոր Ճեմարանի 1958—1959 ուսումնա-

կան տարվա շրջանը: Առավոտյան ժամերգությունից հետո, ամբողջ ուսանողությունը, վերատեսուչ սրբազանի և փոխ-տեսուչ հայր սուրբի գլխավորությամբ, բարձրացան Վեհարան՝ ստանալու համար նորին Ս. Օծություն օրհնությունը:

Վեհափառ Հայրապետը հայրաբար ընդունեց բոլորին, քաջալերեց, խրատեց լավ անցկացնել ամառային հանգիստը իրենց ծնողների մոտ և սեպտեմբերին վերադառնալ Մայր Աթոռ կազդուրված, նոր եռանդով ու հավատով շարունակելու համար իրենց ուսանողական կյանքը Մայր Աթոռի հովանու տակ, Հոգևոր Ճեմարանի սրբազան կամարների ներքո:

Ուսանողությունը աջահամբույրով՝ հրաժեշտ առավ Վեհափառ Հայրապետից:

Գլխարանի ամբողջ կուրսը, ինչպես նաև Ալսարանի ուսանողները կմնան Մայր Աթոռում, իսկ Բլսարանի, Ալսարանի և Գղասարանի մի խումբ ուսանողներ կմեկնեն ներքին թեմերը և վանքերը՝ հոգևոր ծառայության համար: Մնացած ուսանողները կվերադառնան տուն իրենց ծնողների մոտ հանգստանալու:

ԱՅՑՅԵԼՈՒԹՅՈՒՆՆԵՐ

ՀՈՒՆԻՍԻ 3-ին, ՉՈՐԵՔՇԱՐԹԻ, Մայր Տաճար այցելեցին Բուլղարիայի սեղանի թենիսի հավաքական թիմի անդամները, ընկերակցությամբ Հայաստանի սեղանի թենիսի վարպետները:

Հյուրերի թվումն էր Բուլղարիայի չեմպիոն, սպորտի վարպետ Աննա Բոյաչևան: Նրանք եղան եկեղեցա-հնագիտական թանգարանում և դիտեցին Մայր Տաճարի պեղումները:

ՀՈՒՆԻՍԻ 5-ին, ՈՒՐԱԼԹ, Մայր Տաճար այցելեց ամերիկահայ հայտնի միկրոբիոլոգ, պրոֆ. Արծրուն Փախչանյանը՝ Հարգելի պրո-

ֆեսորը դիտեց Մայր Տաճարը, պեղումները, եղավ եկեղեցա-հնագիտական թանգարանում և լավագույն տպավորություններով հրաժեշտ առավ Մայր Աթոռից:

ՀՈՒՆԻՍԻ 23-ին, ԵՐԵՔՇԱՐԹԻ, Մայր Տաճար այցելեց Յուլ-Յորքի ժամանակակից արվեստի թանգարանի դիրեկտոր Ալֆրեստ Բարրան՝ կնոջ հետ: Հարգելի հյուրը Մայր Տաճարի նոր պեղումները դիտելուց հետո եղավ եկեղեցա-հնագիտական թանգարանում և մեծ հետաքրքրությամբ ծանոթացավ թանգարանի իրերի հետ: Ամերիկացի հյուրը լավագույն տպավորություններով վերադարձավ Նրևան:

